

علوم اقتصادی و اجتماعی

مجموعہ نگار

مرآۃ اؤن بشجی کونی نشر اولنور

مؤسسلری :

احمد شعیب ، رضا توفیق ، محمد جاوید

مذہبہات :

خلافت و سلطنت : احمد شعیب . — امتیازات مذہبیہ :
 احمد شعیب . — تصنیف علوم — بعض مقدمات فلسفیہ :
 رضا توفیق . — بین الملل اخصائیات انیسٹیتوسی : محمد جاوید . —
 فرانسه اختلال کیری : احمد شعیب . — تجارت بحیرہ : احمد مختار . —
 نشریات و وقایع اقتصادی : محمد جاوید . —

مدیر و صاحب امتیازی :

محمد جاوید

نسخہ سی : ۱۰ غروش

استانبول

امور اداره و تحریرہ : باب عالی جادہ سندہ ہرول مطبعہ سی ، نومبر ۶۶

نریات ووقایع اقتصادیه

۳

بوآی ده مجلس مبعوثان امور نافه به متعلق برچوق استیضاحاتده بولوندی :
ازمیر ریختملری ، بروسه تراموایلری ، ارکلی معدنلری مجلس ، دور
سابقه بزه میرثاوله رق بیراقدینی یولسزلفلری تعبیر و تصفیه اینکله اوغراشیور.
فقط ماضینک سیئتی اوقدر چوق اوقدر چوقدرکه بونلری بیقامی ایچین ، ظن
یده رمکه ، برآز استقبالی اهامال ایتک لازم کله جک !

بغداد شمندوفری حقنده ده برآبدن بری بکله نن استیضاح نهایت وقوع بولدی .
معتضلر سویله دی ، ناظر سویله دی ؛ معتضلر مطالبانده بولوندی ، ناظر
وعدلری دریغ ایتده دی . نتیجه ده ناظرک ایضاحاتی کافی کورلدی . حالبوکه
بوايضاحات برقرارنامه ايله کافی کورلک ، یعنی ممکن الاجرا اولان تعبدلاتک
قومپانییه تکلیف اولونماسنه انتظاراً کفایت قراری ویرلک ایجاب ایدردی . بوبله
اولمادی . فقط بونک قباحتی قرارنامه لرینی وقتيله یازوب کاتبلره ویرمکی دوشونه مین
معتضلرده در . قرارنامه ویرلکه بکله برابر دهوی غائب اولمش عد ایدبله من . حکومت
وشرکت حسن نیتله حرکت ابدیجه نقاط مضره نک حلی سهیل اولور .

۳۴۵ بودجه سنک تأخر تنظیمی حکومتی موقت بودجه طلبنه مجبور ایتدی .
اصول مشروطیت ، مع التأسف ، نوعاً بودجه سنک دیمک اولان موقت بودجه ايله
متوافق اولدی . هیئت وکلانک مارت ونیسان آیلری ایچون ایسته دیکی مأذونیتی
مجلس یالکز مارت ایچون ویرمکه اثراحتیاط کوسترمک ایسته دی . فقط بواحتیاط
بوپوک برقاذه بی منج اوله میه جقدر . چونکه یالکز نیسان ایچون دکل مایس
وحزیران آیلری ایچون ده موقت بودجه ویرمک تحت ضرورتده در . یالکز ،
حتمالکه ایونلر قورو برر رقدن عبارت اولمازده مجله ک بنای محاکمه ایده بيله جکی
بعض تفصیلاتی محتوی اولور . بوسنه اعطاسی ضروری اولان موقت بودجه نک
ایلک وصوک اولماسی ، اصول مالیه مزده بوواسطه سقیمه نک برولماسنی تمنی ایدرم .

بشیوز بیک لیراسی عثمانلی بانک سیله دویچه بانکدن بشیرز بیک لیراسی ده

دویمه اوریاٹ بائقن اولقی اوزره حكومتك عقد ایتش اولدیغی ۰.۶٪ فاضلی برمیليون لیرالق استقراضه حائد ماده منفردہ قانونیه بی ده مجلس مبعوثان اوزون مناقشه لردن صوکر قبول ایتدی . بوکا متعلق مطالعات ۱۹۰۸ استقراضی حقنده کی ملاحظه تمله برلکده نشر ایدیله جکدر .

۳۲۴ سنه سنندن ۳۲۵ سنه سنه مدور دیونك آتیده کی منابعدن تسویه سی ایچون طلب مآذونیتی متضمن بر ماده قانونیه حكومت طرفندن مجلسه کوندرلشدر :
(۱) ۳۲۴ سنه سنندن ۳۲۵ سنه سنه مدور صندیق موجودلری .
(۲) کرک ۳۲۴ سنه سی کرک سنین سابقه بقایا سنندن سنه حالیه مارت ونیسان آیلری ظرفنده وقوع بوله حق تحصیلات .
(۳) ۳۲۳ سنه سی فایقه قدر کچن سنه لره حائد دیون غیر منتظمه ایچون دردست تذکر اولان قارشیلی .

۳۲۴ سنه سنندن ۳۲۵ سنه سنه مدور صندیق موجودلری ۳۲۴ سنه سنك حق مشروعی اولقی حسیله موازنه مالیه انجمنی بوکا اعتراض ایتدی : اوچنچی منبع ده انجمنجه قبول اولوندی . فقط بقایا تحصیلاتی ۳۲۵ سنه سی بودجه سنده داخل بولندیغندن هنوز قومیسسیونده تدقیق ایدیلکده اولان بودجه به بوصور تله تجاوز اولونماسنه انجمن قطعاً راضی اولمادی و ماده قانونیه دن بوجهتی طی ایتدی . مجلس مبعوثان ده تعدیلات واقعه بی تصدیق ایلادی . مجلسده بوکا اعتراض ایدنلر اولمشده بودجه احکامك تمامی محافظه سی لزومی بواعتراضاته غالب کلدی .

موسیو « آلفرد نه بمارق » بین الملل ایستاتستیک انستیتوسنك قوبنهاغ اجتماعنه « بین الملل اسهام وتحویلات ایستاتستیکنه » دائر تقدیم ایتش اولدیغی راپورینی اخیراً طبع ایتدیرمشدر . اشبو راپوره نظراً ممالك مختلفه ده بولونان اسهام وتحویلاتك قیمتی بوجه آتیدر :

میلیار فرانق			
۱۱۰	—	۱۱۵	آمریقا
۱۲۵	—	۱۳۰	انگلتره
۹۵	—	۱۰۰	فرانسه
۶۰	—	۷۰	آلمانیا
۵	—	۵	ایونیا
۲۰	—	۲۵	روسیه

۲۲	—	۲۰	اوستریا مجارستان
۱۲	—	۱۰	ایتالیا
۳۵	—	۳۰	ممالک سائر
۵۱۴	—	۴۷۵	

هرسنة اسهام و تحویلات موجوده په برقاج میلاردها انضمام ائیکده درو اسهام و تحویلات ، تماماً ، بین الملل برمان و متاع اولق حسیله موسیو نه یارق بین الملل بر حقوق همومیه مالیه تأسیسی مطالعه سنی درمیان ایدیور . بوبولده بر تشبثک حقیقت پذیر اولماسی دولترک و تحویلات حاملرینک منافعه پک موافق اولور .

Journal des Economistes « ژورنال ده ژده قونومیست » ک ۱۵ شباط نسخه سنده « فرانسه ده کمرک تفرلرینک تبدیلنه دائر » « ژورژ دونوویون » طرفندن یازلمش بر مقاله مندر جدر .

فرانسز مجلس مبعوثانده تشکیل ایدن « کمرکر قومیسیونی » نتیجه تدقیقاتنده موسیو « مه لین » ک مسلك حمایه کارینسی تعقیبه ، ده د و د و سوسی بومسلکده دها سرعتی آدیلمرله یورو مکه قرار ویرمشدر . محرر مقاله بومقرراتک علمنده ادوده کلام ایدیور و فرانسه ک سرستی مبادله اصولی تحتنده یشادینی زمانلرده استخصال ابله دیکی نتایجله ، ۱۸۹۲ دن صوکر کیردیکی اصول حمایه حیاتی داخلنده وقوع بولان تدقیقاتی مقایسه ایله یور .

اصول حمایه ک مدیحه کاری ، سرستی مبادله ک مؤاخذ و متعرضی اولان کمرک قومیسیونی راپورنده دیبوره ک : « ۱۱ کانون ثانی ۱۸۹۲ قانونیله فرانسه ده کشاد ایدیلن اصول رسومیه اون آلتی سنه ک دوره تجریه سنی کمال مظفریتله امرار ایتدی . زراعتزه ، صنایعمره ، مساعی ملیه ک کافه شعباتنه برحایه معقوله ویرمدافعه مؤثره تأمین ایلدی . بواصول ۱۸۶۰ تجاوت معاهده لرینک نتایج وخیه سیله اخلاخل ایدیلن فیض اقتصادیمزک اعاده سنه کنیش بر صورتده خدمت ایتدی »

بوراپوری تحریر ایدملر فرانسه ده میشل شووالیه کبی اعظم اقتصادونک تأسیس ایتش اولدنلری اصولک مملکتک اک مدش اک بحرانلی دورلرنده بیله نتایج حسنه تولید ایلدیکنی ، اک زیاده مشتکی بولونان صنایعده دخی موجب ترقات اولدیغنی اونودویورلر . ۱۸۵۹ سنه سنده فرانسه ده صنایع قطنیه ده (۲۹۳۳۰۰) بخار - بیکیر قوتی استعمال ایدیلیرکن ۱۸۷۹ ده بومقدار (۸۸۵۰۰) ۱۸۵۴ و ۵۹ سنه لری آراسنده سنوی ۱۴۳ میلیونن عبارت اولان اخراجات ۱۸۷۶ - ۷۹ ده ۳۰۶ میلیونه ، ۱۸۵۹ ده (۸۵۶) بیک طونیلانودن عبارت اولان

دو کمه حاصلاتی ۱۸۸۰ ده (۱،۷۳۳،۰۰۰) طونیلاتوبه، فرانسه نك عموم صنایعه مستعمل بخار - بیکیر قوتی ۱۸۶۰ ده ۱۷۸ بیکدن عبارت ایکن ۱۸۸۰ ده دمیر بولارنده و سائر قلیانده مستعمل اولانلر خارج اولق اوزره ۵۴۴ بیکه باغ اولمشدر. بر مملکتک موقع اقتصادی حقنده بر فکر صحیح اعطاسنه خدمت ایده جک اماراتدن بری ده بر سنه ظرفنده وقوع اولان انتالاتک یکونیدر . ۱۸۵۱ - ۵۵ سنه لری آراسنده ایکی میلیارد ۷۱۵ ملیوندن عبارت اولان وسطی ۱۸۶۰ اصلاحات رسمیه سندن صوکر ا سنوی اوج میلیار یوز سکسان دو قوز میلیونه جیمش ۱۸۹۱ - ۹۵ دوره سنه قدر زیاد دوام ایله مشدر . اودوره دن صوکر ایسه بر تنزل باشلامشدر .

کمرک قومیسونی صوکر اون بش سنه ظرفنده فرانسه نك تجارت خارجیه سنده کورولن فہالیتک اصول حمایه سایه سنده دکل اصول حمایه به رغماً وقوع یولمش اولدیغی، یی ظهور ایده اوتوموبیلچیک کی بعض صنایعه فرانسه نك دیگر ملتره نظراً بر رجحانی حائر بولوندیغی اوتومشدر .

کمرک قومیسونی نك تکلیفاتی مجلس مبعوثانجه قبول ایدیلرک عمومی تعرفیه ضائم اجرا اولنور واصغری تعرفه لرده دول سائر ایله اتلافاتی منع ایده جک بر طاقم اینجه تقسیمه رعایت ایدیلر سه مملکتک تجارت عمومیه سنک بوزدن دولایی شدله رخنه دار اوله جفنده شبهه بوقدر . مدنیت مختلف مملکتلرک بر برلر نه قارشی سد چینه مائل حائللره مسدود اولماسیله دکل بالعمکس قایلرک دورت آجیلاسیله انتشار و تعمم ایله مشدر . کندی حدودی داخلنده کندی استحصالنیه یشامق نشان ترقی دکلدر . ایشته بواسیابه مینی موسیو نوو بون کمرک قومیسونی نك مطالعاتی رد و جرح ایدیور . فقط سربستی مبادلله طرفدارانک بونون ردیاتی بونون معقول ومنطقی مطالعاتی کی بونلرده مع التأسف بر مغمکس بوله میه جقدر .

سالیکده منتشر « پروفره دوسالونیک » غزنه سی ۱۹۰۸ استقراضنه دائر ایکی مقاله نشر ایتدی . محررک تحت اعترافنده اولدیغی اوزره مقاله نامه صورتلری اوقونمادن ، موازنه مالیه انجمنی نامنه قله آلتان مضبطه تدقیق ایدیلر دن یازیلان بومقاله لر صرف خیالی بعض مطالعاته مستنددر . حکومتنک بواسستقراضی رد ایتش اولسه ییدی دیگر مؤسسات مالیدن سهولتله ودها اهن اوله رق بر استقراض عقد ایده یله جکی حقنده کی مطالعه قطعاً دوشرو دکلدر .

استقراض تحویلاتنک صورت مقطوعه ده اوله رق دوقسانه صاتیله بیله سی ده — حال و موقع اعتباریله — ممکن دکلدی . عثمانلی بانکهنه فرانسر تمغا رسمی تأدییه ایدیلر جکنه دئر اولان ادما نك ده مقرون حقیقت اولمادیغی علاوه ایتک لازم

کاپر . هر نه قدر ايلک مقاوله ده بويله ابدیسه ده موازنه ماليه انجمنی بونی تصدیق
ایتمه . شدر)

بانقیه مقطوعاً صانیلان الی بیک قطعہ تحویلک فی بی کویا انجمنک نظر
دقتی جلب ایتمه مش . اگر پروضره دوسالونیک مجروری انجمن مضبطه سنی اوقود قیدین
صوکره مطالعه سنی بیان ایتمش اولسه یدی بویلہ برخطایه دوشمزدی .
بوکی مسائل جدیدک هندی ملاحظات اوزرینه مناقشه وتنقید ایدیله میی لازم
کله جکینی « پروضره دوسالونیک » رفیق مزه اخطاره حاجت یوقدر ظن ایده دم .

۱۰ مارت ، ۳۲۵

محمد هارید